

– Նախ՝ պետք է գիտնաս, որ նախատական բառ պետք չէ գործածես եւ թէ քու ծառաներեդ նոքա միայն կենդանի են, որ խելօք վարուեցան եւ անձնատուր եղան. ուստի դու էլ պետք է խելօք լինիս, երկրորդ պետք է գիտնաս թէ հայ աւագակ միշտ քիչ հանդիպած է աշխարհքիս վրայ, քան թէ իրեն դրացի ազգաց մէջ, երրորդ՝ թէ ես կենացս մէջ երկիւղ ըսուած բանը չեմ գիտեր թէ ի՞նչ է եւ նոյն քու Բուղայ յեդ նաեւ չեմ վախել:

– Բայց ի՞նչ կ'ուզես դու ինձմէ, զի՞ս էլ սպաննել կ'ուզես ծառաներուս պէս:

– Ո՛չ երբեք, ես անզէն մարդ չեմ սպաններ:

– Ոսկի՞ կ'ուզես, ահա՛,– ըսաւ եւ բարձին տակէն քսակ մը հանեց երկնցուց Միրզա Յասան ձեռքերը դողալով:

– Ոչ ոսկի եւ ոչ արծաթ, իմ ուզածս ուրիշ բան է:

– Ի՞նչ կ'ուզես, զրուցէ՛, մարդ,– ըսաւ դիւանապետը բոլոր անձամբ գողաւով եւ աչքերը խփելով, ար գիմացիներն սլաքային աչքերը չի տեսնէ, վասնզի նորա հայուածքը՝ ծանր ու հանդարտ խօսուածքը սոսկալի ազդեցութիւն մը կ'ընէին իւր վրայ:

– Բոլոր դիւանի թուղթերը քու քովդ են, այնպէս չէ՞:

– Այո, անոնք կ'ուզե՞ս, ահա սա պարկերուն մէջ են:

– Ո՛չ, ամենքը չեմ ուզեր, մէկ թուղթ մը միայն կուզիմ:

– Ո՞ր թուղթը, զրուցէ՛ տամ:

– Դու կը յիշես թէ երբ Աշոտ Արծրունեաց Տէր Նկանի բերդին մէջ պաշարած էր, քանի մը հայ իշխանք գաղտնի նպմակ գրած էին Բուղալի: